



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pretiosae Occvpationes Morientivm In Societate Iesv

Nádasi, János

Romae, 1657

Cap. XXXXI. Preces pro ægro, cum ægro, vel apud ægrum dicendæ.

urn:nbn:de:hbz:466:1-45415

pœna illi debita tandem remittatur ; imò hunc fortasse esse vnum finem talis institutionis . Ideò enim concessum esse dicit vt eadem peccata possent sæpiùs esse materia confessionis , vt perfectior eorum remissio comparari posset , & vt ita inducerentur homines ad pœnitentiam eorum sæpiùs agendam . Sed hac de re , vt apud peritos ferè vix iam dubia , fatis .

C A P V T X L I.

Preces ab aegro , cum aegro , vel apud aegrum dicenda .

1 **P**rimum locum habent ea , quæ in Rituali , pro articulo illo præscribit vsus Ecclesiæ . Suggesto preces alias ; quò pauca è pluribus , vt aegro lubet , ac ij , qui illi adsunt , iudicant , seligantur . Plerisq; sub mortem vsi sunt Nostri . Erunt instar Soliloquiorum .

2 Oratio illa : *Anima Christi , sanctifica me ;* frequenter in vsu fuit S. P. Ignatio : et illam P. Albertus Mosconi in ipso agone sibi inculcari iussit . quam etiam maiusculo exarata characterè ad lectuli sui pedes è Crucifixi pendentem imagine legebat aeger P. Simeon Riniere : et cum ipse iam illam pronunciare non posset , ad id alios inuitabat ; *Iesu , ac Marie* nominibus incredibili crebri-
tate

2. Febr.
1628.
Saadomi-
ria.

Annua
Auscit.
1610.

tate, ac pietate frequentandis toto ultimo vitæ suæ anno singulis horis constanter additus; et in ipso mortis procinctu monens: *Fugiamus vanam gloriam*: sibiq; inter extrema illud ad aures iteratò inculcari petens: *Absit mihi gloriari, nisi in Cruce D.N. Iesu Christi. Gloriabor in infirmitatibus meis.*

3 Iuuat per secundum modum orandi, ex vocum orationis singularum perpensâ significatione, *Pater noster, Ave Maria, Credo, Salve Regina* pronunciare; vel etiam *Litanias Lauretanas*, aut omnium Sanctorum, et *Ave maris Stella.*

4 *P. Ioan. Ludouicus Minius* animam egit 18. Martii
cùm *Stabat Mater dolorosa* canentes audiret, 1655.
atq; ipse quoq; supremis vocibus, quâ poterat, Rom.
responderet.

5 *Cum S. P. Ign.* En, ò Rex supreme, ac Domine vniuersorum, tuâ ego, licet indignissimus, fretus tamen gratiâ, et ope, me tibi penitus offero, meaq; omnia tuæ subijcio voluntati, attestans coram infinitâ bonitate tuâ, nec non in conspectu gloriosæ Virginis Matris tuæ, totiusq; curiæ cęlestis, hunc esse animum meû, hoc desiderium, hoc certissimum decretum. Omnia vitæ ac mortis nostræ momenta offerenda Deo.

6 Veni, Sancte Spiritus, et emitte cęlitus Lucis tuę radium, etc. vt in Missali Dom. Pent.

7 Veni Creator Spiritus, etc. Breu. Rom. Dom. Pent. quem hymnum S. Xauerius dicebat quotidie ante diuinum officium.

8. *Cum*

8 *Cum B. Stanislao moriente* : Deus, qui pro redemptione mundi voluisti nasci, circumcidi, etc. *ex offic. B. V.*

9 *Omnipotens sempiterne Deus, &c.* vt est formula votorum simplicium.

Pl. 50^o

10 *Miserere.* pro Indulgentijs Societatis, et 5. Sanctorum.

Vid.

11 B. Aloysius hymno *Ad perennis vitæ fontem*, delectabatur.

S. Aug. medit. c. 26.

12 Non me mouet, Domine, ad amandum te, cælum, quod mihi promifisti: nec horrendus infernus mouet me, vt non offendam te. Tu me moues, mi *Deus!* Mouet me quòd videam te Cruci clauis affixum; et excarnificatum. Mouet me, quòd videam corpus tuum tam vulneratum. Mouent me opprobria tua, et mors tua. Deniq; mouent me hæc, mi *Deus!* et ita mouët, vt si non esset infernus vllus, tamen adhuc timerem te; et si nullum esset cælû, adhuc amarem te. Non habes, quod mihi des, pro quo te amem. Quia tametsi ea, quæ spero, non sperarem, equè atq; nunc te amo te amarem.

Est S. Francisci Xauerii ex hymno Hispanico ferè ad verbum: vel, vt alii aiunt, S. P. Ignatii.

S. Xauerii. annuæ Neap. 1634.

13 *Aue, lignum Crucis; aue, Crux pretiosissima*: me totum tibi dedico in perpetuum.

14 Sanctos in 24. horas diei distributè partiri, res fuit in Societate vsitata pluribus, vt vidimus, pro mortis felicis industrià, cum

C. 14. n. 6. Alphonso Rodriguez, et cum P. Siluio Brunorio

norio *Spiritualis Horologij* authore, ac alijs. Eius horologij hi ferè modi esse poterunt pro 24. horis è Sanctis mensium singulorum.

Horologium spirituale.

Circumcise, & à tribus Magis adore Iesu; miserere mei nunc, & in hora mortis mee.

Ex Ianuario pro hora 1; Pro hora 2.

S. Arcadi M. S. Paule Conuerse, S. Ioannes Chrysostome; impetrate mihi pro morte optimam preparationem.

Purificata Virgo Mater; impetra mihi pro felici morte cor mundum.

Februario pro hora 3.

SS. Ioannes, Iacobe, & Paule M.M. Crucifixi; impetrate mihi pro felici morte amorem Crucifixi Iesu.

Pro h. 4.

S. MARIA ab Angelo salutata; impetra mihi pro felici morte, id quod mihi maximè necessarium est.

Martio pro hora 5.

S. Ioseph, & Ioachim; impetrate mihi pro felici morte amorem verum erga Matrem Dei.

Pro hora 6.

S. Marce, S. Georgi, S. Francisce de Paula; impetrate mihi pro felici morte charitatem.

Aprili pro hora 7.

S. Catharina Senensis; impetra mihi pro felici morte cor secundum cor Iesu.

Pro hora 8.

SS. Philippe, Iacobe, & Ioannes Apostoli; impetrate mihi pro felici morte patientiam inuictam.

Maior. pro hora 9.

S. Michaël; impetra mihi pro felici morte contra demonem victoriam.

Pro hora 10.

S. Ioannes Bapt. & B. Aloysi; impetrate mihi pro felici morte conscientiam etiam à venialibus peccatis mundam, & innocentem.

Iunior. pro hora 11.

R r

SS. Pe-

- Pro hora
12. SS. Petre & Paule Apostolis; impetrate mihi
pro felici morte fidem viuam & solidam, quâ ten-
tationibus resistam.
- Ex Iulio,
pro hora
13. uel 1. S. MARIA Elisabetham uisitans, & Magni-
ficat canens; impetra mihi pro felici morte, ut mi-
grans ex hac uita anima mea Dominum magni-
ficet, ac post mortem exultet spiritus meus in Deo
salutari meo.
- Pro hora
14. uel 2. S. P. Ignati, & omnes Electi Dei è Societa-
te Iesu; impetrate mihi pro felici morte, ut maio-
rem Dei gloriam uerè quæram usq; ad mortem.
- Augusto,
pro hora
15. uel 3. S. MARIA Maior, & in Celum Assumpta; &
B. Stanislae; impetrate mihi pro felici morte id,
quod ad maiorem Dei gloriam, & salutem meam
optimum esse nostis.
- Pro hora
16. uel 4. S. Ioannes Bapt. & S. Bartholomæe Apost.
impetrate mihi pro felici morte ueram pæniten-
tiam, & contritionem.
- Septem-
bri, pro ho-
ra 17. uel
5. S. MARIA nascens; impetra mihi pro felici
morte bonum Patrem Spiritualem, qui mihi ad-
sit; & fac, ut illi benè obediam.
- Pro hora
18. uel 6. S. Michaël Archang. S. Hieronyme; impe-
trate mihi pro felici morte uerum spiritum ora-
tionis.
- Octobri,
pro hora
19. uel 7. S. Angele mi Custos; impetra mihi pro felici
morte, ut inspirationibus tuis sanctè obediam.
- Pro hora
20. uel 8. B. Francisce Borgia, & S. Ursula ac Socia,
impetrate mihi pro felici morte, ut ad illam quo-
tidie sim paratus.
- Novemb,
Omnes SS. & Sancta Dei; impetrate mihi,
ut uos.

ut vos omnes ita colam in vita, ut in morte habeam protectores.

Pro hora
21. uel 9.

S. MARIA in templo presentata; impetra mihi talem in diuinis diligentiam, ut quacumq; hora moriar, in templo Filij tui merear presentari.

Pro hora
22. uel 10.

S. MARIA semper immaculata; & S. Franciscæ Xaueri; impetrate mihi, ut nunc & in hora mortis immaculatus inueniar.

ex De-
cemb. pro
hora 23.
uel 11.

Iesu Fili Dei uiui, & Mariae Virginis; Maria Iesu Mater, & vos omnes SS. & SS. Dei; sitis custodes cordis mei nunc, & in hora mortis meæ. Amen.

Pro hora
24. uel 12.

Vel, si lubet, sic distribue.

S. Maria, & Omnes Sancti SSS. Trinitati, & Beatissimæ Virgini singulari olim pietate addicti; estote custodes cordis mei, nunc, & in hora mortis meæ.

Pro 1. hora

S. Angele mi Custos, S. Michaël, Gabriel, Raphaël, S. Angele Custos Ecclesiæ, Patriæ meæ, Societatis Iesu, huius vrbis, & Domus; & omnes SS. Beatorum Spiritum ordines, omniumq; amicorum meorum, eorum qui mecum versantur, & omnium prædestinatorum Custodes: Estote custodes cordis mei nunc & in hora mortis meæ.

Pro 2.

Omnes SS. Pœnitentes, innocentes, & quibus aliquod beneficium vnquam accepi; Estote custodes cordis mei, &c.

pro 3.

Omnes SS. quos in morte maioribus,

pro 4.

R r 2

quàm

quàm alios doloribus, vel cælestibus delicijs
cumulauit *Deus*. Estote custodes cordis mei, &c.

Pro 5. Omnes SS. quibus in morte *Christus*, vel
Beatissima *Virgo*, vel *Sanctorum* aliquis ap-
paruit; vel quos quocunq; modo singulari ad
benè moriendum iuuat. Estote, &c.

Pro 6. Omnes *Sancti*, aliquam calumniam, per-
secutionem, vel tentationem fortiter passi.
Estote custodes cordis mei, &c.

Pro 7. Omnes *Sancti*, qui eos, qui in horrendo
mortis agone versantur, soletis singulariter
adiuuare. Estote custodes cordis mei, &c.

pro 8. Omnes *Sancti*, singulari olim zelo, do-
ctrinà, & Sanctitate præstantes. Estote, etc.

pro 9. Omnes *Sancti* qui ad beatam vitam per
ignem purgatorij penetrastis. Estote, etc.

pro 10. Omnes *Sancti*, qui in charitate erga
Deum, et in ea, cui acquirendæ hoc mense
incumbo virtute singulariter excelluistis.
Estote custodes cordis mei, etc.

pro 11. Omnes *Sancti*, qui heroicis quibusdam
excelsæ virtutis actibus eminuistis. Estote, etc.

pro 12. Omnes *Sancti*, in quorum laudem vn-
quam aliquid cogitavi, dixi, scripsi, audiui;
quorum vnquam reliquias visitavi, colui; quos
à me singulari studio coli vult *Deus*, et *Beatif-
sima Dei Mater*. Estote custodes, etc.

pro 1. hora
post meri-
diem, Omnes SS. qui inter omnes Prædesti-
natos *Deo* estis proximi, atq; charissimi.
Estote custodes cordis mei, etc.

Omnes

Omnes Electi *Dei* cælo iam recepti, qui pro 2o
me hîc aliquando ad salutem, quacunq; in re
iuuistis, vel fortè hîc viuentes olim per me à
Deo adiuti estis. Estote custodes, etc.

Omnes Sancti, qui in eo, in quo ego sum pro 3o
vitæ instituto, *Deo* excellentissimis modis ser-
uiuistis. Estote custodes cordis mei, etc.

Omnes SS. qui, dum hîc viueretis, vni- pro 4o
uersæ cælesti curiæ singulari studio colendæ,
ac morientibus enixè iuuandis addicti fuistis.
Estote custodes cordis mei, etc.

Omnes Sancti, quos à vita sceleratâ, vel pro 5o
certè valdè tepidâ, ad singularem sui amorem
eleuauit *Deus*. Estote custodes cordis mei, etc.

Omnes Sanctorum Religiosorum Ordi- pro 6o
num Fundatores, & Protectores. Estote, etc.

Omnes Sancti singulares diuini amoris pro 7o
Magistri, & exempla: Estote custodes etc.

Omnes Sancti, qui diuinis inspirationi- pro 8o
bus singulari quodam studio, et accuratione,
atq; constantiâ respondistis. Estote etc.

Omnes Sancti, qui pro apertis et occul- pro 9o
tis *Dei* beneficijs maximè grati, ac illis optimè
vsi fuistis. Estote custodes cordis etc.

Omnes Sancti, qui me maximè iuuare pro 10o
potestis ad id, quod mihi pro salute mea ma-
ximè necessarium est, et ad omnem volun-
tatem *Dei* optimè implendam secundùm cor
Dei. Estote custodes cordis mei etc.

Omnes Sancti mei nominis, meæ Patriæ, pro 11o
ac Pa-

ac Patroni mei menstrui ; omnes Sancti , qui natali meo die , vel in mea hac ætate mortui estis . Estote custodes cordis mei , etc.

pro 12.

Omnes Sancti , quos felici morte defunctos hoc die , vel eo die , quo sum natus , vel eo , quo moriar , felici æternitate , aut alio illuc ducente vos beneficio singulari , donavit *Deus* ; quorum festum hoc die , vel illo quo natus , aut moriturus sum , celebratur in Ecclesia triumphante : Omnes Sancti , et Sanctæ *Dei* : S. P. Ignati , cum omnibus in cælo filiis tuis , fratribus meis . Omnes Sancti , mei , et eorum Patroni , qui mecum eodem die vel horâ in ultimo agone versabuntur : Estote nunc & in hora mortis meæ custodes cordis mei , & eorum , qui eodem die mecum morituri sunt .

Romæ ad
S. Andr.
17. Nou.
1638.

Petrus Angelus Bonchristianus ante mortem cor B. Virgini , & per hanc *Iesu* , sæpè dedicabat . Libellum sibi pro migrationis extremis horis conscripsit : in quo morti suæ præficit S. Iosephum , bonum latronem , S. Ursulam & Socias , S. Barbaram , S. Augustinum , S. Martinum , S. Hilarionem . Sæpè submissâ voce auditus est dicere : *Gaudeo , Domine , quòd sis immensus , infinitus , omnipotens , misericors , & summum bonum . Volo hos dolores , quia tu ita vis . & iterum exulto quòd majestas tua sit tam magna , tam bona , tamq; amabilis , ut omne verum gaudium in se contineat .*

Dice-

Dicebat ad Crucifixum inter oscula :
Chare, chare, chare Iesu, quàm me amasti!

Addendæ aliquæ aspirationes ad Sanctum tui Nominis; e. gr. S. Ioannem: utpote qui tui curam iam inde à Baptismo suscepit.

15 *Ioannes Fhiedot* Coadiutor Aure- 2. Ian.
 liæ morti vicinus adiutorem valetudinario 1653-
 præfectum rogavit, ut præstantissimos quos-
 dam virtutum actus in charta describeret,
 suoq; collo appenderet; ac urgente vi morbi
 crebrius suis auribus inculcaret. Prouiden-
 dum nimirum est, quibus tunc iuvari possi-
 mus. Ego fidei potissimum, spei, charita-
 tis, dolorisq; actus plures afferam, insertis
 non rarò diuinæ Scripturæ verbis. Seligan-
 tur optima ex optimis; ut ultimas vitæ par-
 ticulas quàm pretiosissimè occupemus. Et
 hæc erunt velut soliloquia infirmorum, sensim
 illis cum interpiratione legenda.

Charta
 cum sele-
 ctis pro
 extremo
 vitæ articu-
 lo actibus.

16 *Credo* quæ reuelasti, *SSS. Trinitas*
vnus Deus. spero quæ promisisti. *Amo te,*
quia dignus es, quia Deus es. odi peccata
mea omnia, quia tu odisti: & detestor illa, ideò
quia tu illa detestaris. Gratulor tibi de diui-
 nitatis tuæ thesauris infinitis. Utinam Che-
 rubinorum, Seraphinorum, Angelorum om-
 nium, Sanctorum omnium, Beatissimæ Vir-
 ginis Matris, ac deniq; ipsius *Iesu* corde &
 ore possem amare, ac laudare te, gaudere
 de te, & gratulari tibi; offerre me, vitam,

Fides, spes,
 charitas,
 dolor,
 Desideria

mor-

mortem, æternitatem meam gloriæ tuæ, amor
 tuo, *Deus!* & facere illa omnia quæ in vita
 & morte Sanctorum tuorum tibi maximè
 placuerunt. *Gaudeo*, quòd tu teipsum di-
 gnè ames, quantum mereris! *Doleo* quòd
 vllum temporis momentum perdiderim, quo
 te non amaui; imò quo *in te*, *Deus* optime,
 pulcherrime, amari dignissime, *peccaui!*
 Utinam possem redimere, & excellentissimis
 excelsissimæ charitatis actibus implere om-
 nes horas illas, ò *Deus*, qui Charitas es, qui
 ignis consumens es! Consume præterita
 mala mea, & da vt plus amem te, plus quàm
 vnquam fis offensus à me, vel ab vlla crea-
 tura! Laudet te vita mea, laudet te mors
 mea: amet te migrans hinc ad te anima mea,
 ò vita mea, Dominus meus, & *Deus* meus!

Luca 18. *Deus, propitius esto mihi peccatori!*

Credo, & *spero* videre Bona Domini in
 terra viuentium, videntium, amantium te.

Credo, Domine; adiuua incredulitatem
 meam. Adauge mihi *fidem*, qua ita cre-
 dam in te ne peream, sed habeam vitam
 æternam; quàm, qui *credit* in te non morie-
 tur in æternum; quàm, qui *credunt* in nomi-
 ne tuo, dedisti eis potestatem filios *Dei* fie-
 ri. Domine, cui sine *fide* impossibile est pla-
 cere, da vt ita credam in te, sperem te,
 amem te, vt placeam tibi in lumine viuen-
 tium. Domine *Iesu*, da mihi *fidem Dei*, de
 qua

qua dixisti: *Habete fidem Dei: fidem Dei amo-*
re plenam; ut dicas mihi: fides tua te saluum
fecit. Sic credam, sperem, amem.

Marci 11.
 22.
 Lucæ c. 18.
 42.

Ora pro me, Sanctissima *Iesu* anima, ut
 non deficiat fides mea, spes mea, charitas
 mea. Sim plenus fide, & Spiritu Sancto.
 Veni, *fide* purificans cor meum, *spe* exhila-
 rans, *Charitate* inflammans: ut sim iustus ex
 fide viuens; secterq; benè vestigia fidei, spei,
 charitatis; in omnibus sumens *scutum fidei*
 in quo possim omnia tela nequissimi ignea
 extinguere. Indutus *loricam fidei*, viuam &
 moriar in conscientia bona, & *fide non ficta*:
 cursum consummem, *fidem seruem*, & acci-
 piam repositam mihi coronam, quam fide-
 libus tuis reposuisti, *autor fidei*, & consum-
 mator, *Iesu!* ut reportem *finem fidei* meæ,
 qui tu es, ò via mea, veritas mea, vita mea
 æterna! Benedic mihi morienti.

Lucæ. 22.

Act. 6.

Act. 15.

Rom. 1.

Rom. 4.

Ephes. 6.

1. Thesal.

5.

1. Tim. 1.

2. Tim. 4.

1. Petri, 1.

Credo, mi *Deus*, quicquid vis me crede-
 re; *spero*, quicquid vis me sperare; *amo* quic-
 quid vis me amare; *odi* quicquid vis me odisse.

Doleo, doleo, doleo! quòd vnquam
 vlllo modo Te maximum, dulcissimum, opti-
 mum *Deum* meum offenderim: & vellem do-
 lere ex motiuo summi amoris, qui vnquam
 vllius Petri, Augustini, Magdalenæ, aut cuius-
 cunq; verè pœnitentis, vel amantis te cor
 penetrauit, ò bone, ò altissime, ò pulcherrime
Deus meus!

S s

Doleo!

Doleo ! non propter infernum, vel purgatorium : quæ tamen credo ; & timeo ! Doleo ! non propter caelestem gloriam : quam, tamen credo, & spero ; sed doleo propter Te, optime super bona omnia, pulcherrime super pulchra omnia, dignissime super omnia *Deus*: quem amo, et amare cupio in æternum. *Gratias tibi, Deus; gratias tibi, vera, & una Trinitas, una & summa Deitas, Sancta & una unitas.* Approbo quicquid boni factum, vel futurum est ; et vtinam augere bona illa possem in infinitum ! Detestor quicquid mali factum, vel futurum est : et vtinam potuisssem, ac possem omnia impedire, ac in totidem bona conuertere. Fides me doceat meliorem te esse omnibus ijs, quæ mihi dare potes ; spes, absq; præsumptione te præ illis omnibus expectet ; charitas te amet super illa omnia, etiam super cæli gaudia, et felicitatem. Omnes Sancti Martyres, impetrate mihi fidem viam, pro qua mortui estis ; et pro qua vtinam possem et ego mori amore Domini *Dei* mei ! Omnes Sancti Confessores, impetrate mihi spem solidam, in qua mortui estis : et in qua spero me moriturum ! Omnes Sancti et Sanctæ *Dei*, impetrate mihi charitatem perfectam in qua vixistis, mortui estis, et viuetis immortaliter in æternum ; vt viam et ego vobiscum.

Credo, quæ reuelasti, spero quæ promissisti,

fisti; sed plus illis amo Te, Te qui promisisti, Deus fidei, Deus spei, Deus charitatis meæ. Captiua, Domine, intellectum meum in obsequium fidei viuæ; exhilara cor meum lætitiâ spei veræ; accende voluntatem meam, illâ, quæ tibi maximè placet, erga te charitate. Deus intellectus, Deus cordis, Deus voluntatis meæ! Domine Iesu, tu es Christus filius Dei viui, filius Mariæ Virginis; tu sis mihi resurrectio, et vita: da vt optimo quo vis modo viuam, et credam in te: quia omnis qui viuuit, et credit in te, non morietur in æternum. Da vt moriar vt videam te. Da, vt ita credam atq; si vidissem omnia miracula, quæ fecisti; da, vt ita sperem, atq; si vidissem illa omnia, quæ promisisti: da, vt ita te amem, sicut te amauit S. Ioannes, S. Ignatius, S. Xaue- rius, B. Borgia, B. Aloysius, B. Stanislaus, & S. Catharina Senensis, ac omnes ij, quos tui amore maximo, tenerrimo, dulcissimo, solidissimo, per omnem vitam, & maximè in mortis articulo, accendisti. Munda, & desponsa tibi animam meam in fide; dota illam spe; duc illam in domum tuam: & in charitate perpetuâ dilige illam, & attrahe illam miserans, per dulcissimam V. Matrem tuam, & omnes electos tuos. Gratulor tibi de te! gaudeo de infinita gloria tua. Volo pati quæ vis me pati: & gaudeo quòd in te nullus dolor possit cadere; quòd tibi ita be-

nè sit semper, vt malè esse nunquam possit. Vtinam operibus lumini fidei veræ semper consentaneis fuisset testatus fidem meam, viuens; & vtinam possem illam moriens cruentà morte testari, per te factus diues in fide, diues in spe, diues in charitate, ò diues in omnes, *Deus!* Da mihi, vt assequar beatum illum præcepti finem, qui est charitas de corde puro, & conscientia bonà, & fide non fictà. Da, vt sim iustus tuus, quia iustus tuus ex fide viuit, in spe viuit, in charitate viuit: *Sperat iustus in morte sua, sed per mortem tuam, Crucifixe Iesu!*

2. Tim. 1. *Deus fortis meus, sperabo in te: scutum meum, & cornu salutis meæ: eleuator meus, & refugium meum: Saluator meus: de iniquitate liberabis me. Domine, sperantem in te misericordia circundabit. Doce me sperare in te; vt misericordia tua æterna vndequaue circundet me. Qui sperat in te, beatus est: fac me ita sperare in te, vt sim beatus à te; & habebò in nouissimis spem; & spes mea non peribit. Speremus misericordiam tuam, *Deus meus.* da mihi spem, quam habere me vis; vt anima mea in manu tua sit, & spes mea immortalitate plena sit.*

2. Reg. 22. *Domine, da mihi amorem, ac timorem tuum, credam tibi, & non euacuetur merces mea: vt sperem in te; et in oblectationem veniat mihi misericordia: vt diligam te, et*

illu-

2. Tim. 1.

Prou. 14.
32.

2. Reg. 22.

Psal. 31.

Prou. 16.
20.

Prou. 24.
14.

Sap. 12. 22.
Sap. 3. 4.

Eccli. 2.
v. 8. 9. 10.
11.

illuminetur cor meum; quia nullus speravit in te, et confusus est. Pius, et misericors es tu, *Deus*, et remittes in die tribulationis peccata. *O Mater Dei*, per pretiosissimam mortem tuam, et illos actus amoris *Dei* quos tunc elicuisti; per omnem misericordiam quã ulli succurristi; memento mei nunc, et tunc. Gere curam mei finis: ut tuã defensione munus ingrediatur beatam æternitatem. *Experiar te Matrem pulchræ dilectionis, & timoris, et agnitionis, et sanctæ spei. In te post Iesum, est gratia omnis viæ et veritatis, in te omnis spes vitæ et virtutis. Spiritus Filij tui, et tuus, super mel dulcis: et hæreditas illius super mel, et fauum. Per te accipi gratias; per te reddo gratias: in manus, et per manus tuas commendo, et offero spiritum meum Deo meo; ut illum videam, videam, videam; amem, amem, æternum.*

Sit spes mea in *Iesum* Filium tuum, salvantem me. Qui timet illum nihil trepidabit, et non pauebit: quoniam ipse est spiritus sanctus. *Timentis illum beata est anima eius.* *O Iesu, rogo te per Mariam; ò Maria, rogo te per Iesum; ò Iesu, et Maria, rogo vos per SSS. Trinitatem; ò SSS. Trinitas, rogo te per amorem quo Iesum, quo Mariam, quo te amas; miserere mei, ut felix moriar ad mai. tuam gloriam, & amorem: ut vos amem æternum.*

Domine *Iesu*, tu esto mihi, & omnibus *v. 19;*

ani-

animam agentibus in hora illa protector potentia, firmitas virtutis, tegimen ardoris, & vmbra meridiani, deprecatio offensionis, & adiutorium casus, exaltans animum, & illuminans oculos, dans sanitatem, & vitam, & benedictionem. Hæc recolens in corde meo, ideò sperabo. Fac, Thren. c. 3. v. 21, 23-25. Domine, vt *multa sit fides mea*. Bonus es tu, Domine, sperantibus in te, animæ quærenti te: fac vt inueniam te. Non sis tu mihi formidini, spes mea tu in die afflictionis. Vellem, vellem omnes mundi thesauros, delicias, pulchritudinem, tempora, ingenia, libros omnes, omnia quæ fuerunt, sunt, esse possunt, in tui amorem, & honorem conuertere, *Deus, ò amabilis super omnia, Deus meus!* Dic animæ meæ: *Et est spes nouissimis tuis: & caro mea requiescet in spe.* O *Deus spei*; reple me omni gaudio, & pace in credendo: vt abundem in spe, & virtute Spiritus Sancti. O Ier. 31. 17. A. Cor. 2. 26- Rom. 15. 13. Coloss. 1. 27- *Christe, spes gloriæ, ò Mater, vita, dulcedo, & spes nostra!* docete me credere, sperare, amare; vt viuam & moriar benè expectans beatam spem, et aduentum gloriæ Magni *Dei*. Suppleat quicquid mihi deest in vero de peccatis dolore, in vero tui amore ac desiderio videndi te, et præparet me morti felici, ac vitæ æternæ, fides sperandarum substantia rerum; firmet spes non confundens, accendat charitas illa, quæ tu es, *Deus meus:*

vt ma-

vt manens in charitate, in te maneam, et tu, Deus meus, in me in æternum. Atq; hæc omnia vt impetrem, vos, felices in purgatorio animæ, Dei filiæ, vos omnes electi Dei, qui ante me felici morte abiistis ad vitam æternam, vt Iesu, et Maria animam meam commendetis, rogo. Te autem horæ meæ supremæ gubernatricem, et plenam procuratricem apud Iesum constituo, rogo, ò Maria! Hoc enim nomine, Domine Deus meus, tanquam signo Dominico, aureo illo, & supra modum pretioso, orationem meam consigno, quod ore, & corde, & animà totà complector, quodq; utinam in ore habere tunc possem, cum mors ad vltimum reddendum spiritum me compellet. Mihi enim omninò persuadeo, futurum, vt crudeles aëris exactores, hominumq; hostes, illud timeant. Domine Iesu, idem tuæ Matris nomen sit mihi vltimus linguæ loquentis motus; vt illud, veluti oliuæ ramum, in ore ferens, auolem, & requiescam; quemadmodum columba in salutari arca Paradisi. Illuc enim etiam atq; etiam redire desidero.

S. Geri,
Patriarcha
orat. in an-
nunc. B V.
ferè in fine
mihi pag.
112.

Exurge, Domine, saluum me fac, Deus meus. Psal. 3.

Miserere mei, et exaudi orationem meam. In pace in idipsum dormiam, et requiescam: Quoniam tu, Domine, singulariter in spe constituisti me. Pl. 4.

Latentur omnes qui sperant in te; in æter-

æternum exultabunt : et habitabis in eis .

Vid. Pl. 6.

Domine , vt scuto bonæ voluntatis tuæ
coronasti nos .

7.

Domine *Deus* meus , in te speraui :
saluum me fac, ex omnibus persequentibus
me, et libera me . Ne quando rapiat, vt leo,
animam meam .

Psalmo 9.

Confitebor tibi , Domine , in toto cor-
de meo !

Lætabor , et exultabo in te : psallam
nomini tuo , altissime !

Et sperent in te qui nouerunt nomen
tuum ; quoniam non dereliquisti quærentes
te , Domine .

12.

Illumina oculos meos , ne vnquam ob-
dormiam in morte .

Exultabit cor meum in salutari tuo :
cantabo Domino qui bona tribuit mihi : et
psallam nomini Domini altissimi .

15.

Conserua me , Domine , quoniam spe-
raui in te : dixi Domino ; *Deus* meus es tu :
quoniam bonorum meorum non eges . Et ca-
ro mea requiescet in spe .

Notas mihi fecisti vias vitæ , adimplebis
me lætitiâ cum vultu tuo : delectationes in
dextera tua vsq; in finem .

16.

Mirifica misericordias tuas , qui saluos
facis sperantes in te . Sub vmbra alarum tua-
rum protege me !

Satiabor , cùm apparuerit gloria tua .

Deli-

Delicta quis intelligit? Ab occultis meis munda me: et ab alienis parce seruo tuo. 18.
Pro confessione.

Domine adiutor meus, et redemptor meus.

Esto mihi in Deum protectorem, et in domum refugij, vt saluum me facias. Pl. 30.

In manus tuas commendo spiritum meum: redemisti me, Domine Deus veritatis.

Ego autem in te speravi, Domine: dixi, Deus meus es tu: in manibus tuis fortes mee.

Miserere mei, Deus, miserere mei: quoniam in te confidit anima mea. 56.

Et in vmbra alarum tuarum sperabo; donec transeat iniquitas.

Clamabo ad Deum altissimum, Deum qui benefecit mihi.

Inhabitabo in tabernaculo tuo in secula: protegar in velamento alarum tuarum. 60.

Verumtamen Deo subiecta esto, anima mea: quoniam ab ipso patientia mea. 61.

Exaudi orationem meam: ad te omnis caro veniet. 64.

Beatus quem elegisti, et assumpfisti: inhabitabit in atrijs tuis.

Replebimur in bonis domus tuæ.

Qui posuit animam meam ad vitam: et non dedit in commotionem pedes meos. 65.

Deus, in adiutorium meum intende: Domine, ad adiuuandum me festina. 69.

Adiutor, & liberator meus es tu: Domine, ne moreris.

88.

Misericordias Domini in æternū cantabo.

Pf. 102.

Benedic, anima mea, Domino: & omnia quæ intra me sunt nomini sancto eius.

Vid. pf. 90.
& 106.

Benedic, anima mea, Domino: & noli obliuisci omnes retributiones eius.

Qui propitiatur omnibus iniquitatibus tuis: qui sanat omnes infirmitates tuas.

Qui redimit de interitu vitam tuam: qui coronat te in misericordia, & miserationibus.

Pf. 117.

O Domine, saluum me fac! O Domine, benè prosperare: benedictus qui venit in nomine Domini. Amen.

Addi possunt *Omnes Psalmi ad laudes, ad horas, ad completorium, & Pœnitentiales.*

Apoc. 5.

Sedenti in throno, & agno: Benedictio, & honor, & gloria, & potestas in secula seculorum. Amen.

Apoc. 6.

Amen. Benedictio, & claritas, & sapientia, & gratiarum actio, honor, & virtus, & fortitudo Deo nostro in secula seculorum.

Apoc. 22-
Match. 24.

Veni, Domine Iesu!

Cum S. Petro: Domine, saluum me fac.

Io. 12.

Cum Christo: Pater, saluifica me ex hac hora.

Luca 22.

Pater, in manus tuas commendo spiritum meum!

Act. 7. 59.

Cum S. Stephano moriente: Domine Iesu, suscipe spiritum meum.

Bene-

Benedictum nomen gloriæ tuæ sanctum: Daniel. 3.
& laudabile, et superexaltatum in omnibus
seculis.

Benedictus es in templo sancto gloriæ
tuæ: et superlaudabilis, et supergloriosus in
secula.

Benedictus es in throno regni tui: et
superlaudabilis; et superexaltatus in secula.

Benedicite, omnes religiosi Domino Deo!

Cum S. P. Ignatio; Suscipe, Domine, In contem-
vniuersam meam libertatem; accipe memo- plat. ad
riam, intellectum, atq; voluntatem omnem. amorem,
spir. excit.

(etiam vitam, et animam meam.) Quicquid
habeo, vel possideo, mihi largitus es: id ti-
bi totum restituo, ac tuæ prorsus voluntati
trado gubernandum (etiam mortem meam.)
Amorem tui solùm cum gratia tua mihi do-
nes: & diues sum satis: nec aliud quicquam
yltra posco.

Ad S. P. Ignatium. S. P. Ignati, audi
me quoq; minimum filium tuum longissimè
exulantem, teq; orantem verbis tui Francisci
Xauerij tibi in hæc verba scribentis: Te Lib. 2. ep. 8.
ego, Pater animæ meæ, summèq; mihi vene- in fine
rande, positus humi genibus, tanquam si præ-
sentem intuerer, suppliciter oro, ne Deum pro
me obsecrare desistas: vt dum vita suppe-
ditat, sanctissimæ voluntatis suæ mihi det
et planè agnoscendæ, et omninò exequendæ
facultatem.

Vitæ lib. 5.
c. 2.

Cum S. Xaverio. O *Iesu* *Christe*, *Deus* cordis mei! Obsecro te per quinque illa vulnera, quæ tibi in cruce nostri amor inflixit, famulis tuis subueni, quos pretioso Sanguine redemisti.

Ibid. c. 6.
in fine.

Te ego, *Iesu* *Christe*, *Deus* cordis mei, per acerbissimos tuæ necis cruciatus obsecro, obtestorq; , vt intuearis ipse tuas cicatrices quas æterno Patri assiduè pro nobis ostentas; easq; salubres etiam misero mihi esse velis. *Hæc ille.*

Vtinam è singulis momentis totius vitæ meæ, vsq; ad momentum extremum, possem facere totidem secula amoris tui! Da vt hic cælestis vitæ, ac diuinæ tirocinium ponam in amando te; nec vnquam desinam te amare, ampliùs in æternum. Quare ne finas me abire ex hac vita in aliam, nisi benedixeris mihi, vt moriar ad maiorem tuam gloriam, et viuam in æternum, *Deus!* Sit omnis respiratio mea, et potissimùm vltima exhalatio, ac exspiratio, sit viuum holocaustum amoris, et honori tuo profundissimà humilitate, altissimà charitate oblatum tibi, per amorem cordis *Iesu*, *Mariæ*, ac omnium electorum. Gratias tibi pro omnibus quibus benè moriendi gratiam concessisti, et concedes! Per omnes illos te rogo, da mihi illas pro morte felicissimè obeūda præparationes quæ in illis tibi maximè placuerunt. Idem peto pro illis qui mecum
eodem

eodem tempore erunt in agone per totum orbem terrarum; & pro illis qui mihi aderunt morienti. Accipe tunc animam meam cum illam videris ad migrandum optimè præparatam ad maiorem gloriam tuam!

Dies ultimus Beatissima V. oblatus.

Offero tibi, *Maria Dei Mater*, hunc, & vltimum diem vitæ meæ, cum suis horis singulis, & momentis; vt me custodias felici æternitati; & sistas *SSS. Trinitati* felicem æternum. Et vt hoc impetrem, offero tibi hoc tributum in singulas horas. Et hæc omnia pro ijs in purgatorio animabus quas tu elegeris: vt illæ me morientem iuuent.

Sabbatho
vel aliquo
die B. Vir-
ginis.

Pro 1. Horâ offero tibi; *Aue Maria*, &c.

Pro 2. *Alma Redemptoris*.

Pro 3. *Aue Regina*.

4. *Aue, Maris Stella*.

5. *Concede nos*. vt 5. Aug.

6. *Deus*, qui salutis. vt in 8. Natiuit. 1. Ian.

7. *Deus*, qui de Beata, &c. vt 25. Martij.

8. *Deus*, qui *B. Mariam*. vt 21. Nouemb.

9. *Defende quæsumus, Domine, B. Maria* semper *V. intercedente*, &c.

10. *Famulis tuis*. vt 2. Iulij. 8. Sept. 8. Dec.

11. *Famulorum tuorum*. vt 15. Aug.

12. *Interueniat pro nobis*. ex offic.

13. *Lit. Lauretanus*.

14. *Magnificat anima mea*, &c.

15. *Memento salutis autor*. ex offic.

16. *Obse-*

16. Obsecro te, Domina, ex offic.
17. O intemerata, ex offic. B. V.
18. O Domina mea. ex offic.
19. O Maria, Dei Genitrix. ex offic.
20. O gloriosa Domina. ex offic.
21. Quem terra, pontus. ex offic.
22. Regina Cali.
23. Salve Regina.
24. Stabat Mater. ex offic.

Adde selectas è Diurno orationes Dominicanarum, & S. Nicolai, ac aliorum festorum. Pro indulgentijs identidem repetendum:

Amo te: & ideò, doleo quòd te offenderim, Deus meus, bonitas infinita! *Iesus. Maria. Iesus. Maria.*

E S. Bonaventura psalterio Mariano.

Pf. 8.

Domina, benedicta sit dulcedo misericordiæ cordis tui.

Pf. 9.

Respirent ad indulgentiam humiles poenitentes; sana contritiones cordis eorum. In pulchritudine pacis, & requie opulentà, cibabis nos post laborem peregrinationis nostræ.

Pf. 19.

Ne proijcias nos in tempore mortis nostræ: sed succurre animæ cùm deseruerit corpus suum.

Mitte Angelum in occursum eius, per quem ab hostibus defendatur. Ostende ei ferenissimum Iudicem seculorum, qui ob tui gratiam veniam ei largiatur. Sentiatur in poenis refri-

refrigerium tuum; & concede ei locum inter electos Dei.

In manus tuas, Domina, commendo spiritum meum, totam vitam meam, & diem ultimum meum. 30.

Vide, Domina, quoniam tribulor: expande manus tuas: succurre pereunti. Ne moreris propter gratiam nominis tui, ut efficiaris mihi in gaudium, & salutem. 70.

In manu tua salus & vita consistunt, lætitia perpetua, & æternitas gloriosa. Resperge cor meum dulcedine tuâ. 71.

Fac, Domina, ut viuamus in gratia Spiritus Sancti, & perduc animas nostras ad San-
ctum finem. Pl. 86.

Excita spiritum meum ad amandum bonitatem tuam: excita mentem, ad extollendam nobilitatem tuam.

Suscipe in fine animas nostras, & introduce nos in requiem æternam. 94.

Gloriosum, et admirabile est nomen tuum: qui illud retinent, non expauescent in puncto mortis. 110.

In exitu animæ meæ de hoc mundo occurre illi, Domina, et suscipe eam. 113.

Esto illi scala ad regnum cælorum.

Ad Mai. Dei, Deipara, S. P. Ignatij, ac omnium Sanctorum gloriam, & sanctum ultimi agonis nostri solatium.

PRO-